



12228

順
適
堂
吟
藁



順適堂吟稟甲集

笠

澤

齒

景文

古意

悠悠澗邊人
濺濺澗中水
水流無返時
人生流水耳

偶成

春陰晴復陰
因物悟浮生
杜宇鄉心重
楊花世事輕
知非遽伯玉
覺是晉淵明
此意誰人會
騎牛訪偶耕

順適稟甲

蘇堤

南北山圍翡翠隄
隄邊綠漲軟琉璃
參差臺榭無餘地
雜遝輪蹄了四時
楊柳又多前日樹
梅花祇少近人詩
停篙不看春風面
閒伴漁翁理釣絲

野望

白水沿隄護綠苗
鷄鳴犬卧柳邊橋
數家雖不成村落
一夢何曾到市朝

次潘紫巖虎丘韻

潭深劒氣銚樹瘦嵐光薄石壇古卽今藤花開
又落晉士已結廬吳市猶舞鶴沈吟發幽懷人
世舟藏壑

別韓菊山

結廬甫里鄰顧瞻誰與遊掩荆樂魚鳥握管成
樵謳有客賞茲趣柳下時停舟自締十年契投
簪不願俟一朝過我別匪伊趨東州敢問何爲
爾讀書松竹幽輦母遠之官謾作升斗謀執手
話勞役揮杯忘獻醅離懷聿云悲重來如此不
何當羽厥身千里雲悠悠上下相追逐赤城少
延畱其中有玉人而可爲吾儔此志不可得迢
迢水東流載言涉征途途脩暑氣道衫絺自金
玉脂車畏糧餒我將植佳菊長對南山秋

曲水流觴

以下十詠題水竹墅

蘭亭飲者徒因物寓天理著眼靜中觀坎止流
行耳

峭壁寒潭

百丈崖懸立一泓流綠漪品題無好語摹寫冷

泉詩

安樂窩

受用十三詩不離方寸地門外自風波行之以
無事

野堂

風來無市聲景物占深淨鷗狎堂上翁時來點
天鏡

竹風水月

造物無盡藏散在林泉中結亭相周旋人與萬

順通震曰

三讀畫齋正本

境空

廣寒世界

鼻祖舊遊地畱得老桂香有能培植之此香傳
諸郎

盟鷗

同此江湖心有盟非知己我亦畏機人莫入驚
波裏

得春橋

策驢風雪中東君獻詩料花驚非故吾聊復索

花笑

賞心橋

浴隄過竹所履聲驚龜魚人生適意耳何必駟馬車

尋源橋

躑躅水窮處雞犬非人間褰裳不用涉迤邐逃

秦山

愛閒亭

僧舍

苔深雨徑寒花落徑爛斑此處無名利誰人肯

順通臺自

四讀書齋正本

往還性慵棊局廢坐久茗甌閒禪觀非難事休

官學住山

江湖偉觀

此地舊寒碧畱題護竹君窻虛不礙月壁老易生雲一水東西隔兩山南北分未堪低著眼世事正紛紛

何氏書堂

晉何楷讀書之地因名何山

千歲松陰護一亭風來猶帶讀書聲雖無芳史摹勳業自有青山說姓名客撫豐碑苔剝落春

歸暗徑草生成幾年訪古謀清隱好借虛簷著
短檠

天平山謁范文正祠登白雲亭

爲謁先儒馬鬣瑩倚藤得得上天平直疑寺外
峻嶒石猶是胷中數萬兵松障四開心目快山
泉一飲骨毛清坐閒恰動思親念隱隱白雲何
處生

次林和靖先生梅韻

世上羣芳未敢妍獨將春色占南園生來清質

順適囊中

五讀畫齋正本

十分瘦骨受紅塵一點昏東閣詩成應動興西
湖僊去謾招魂便須結客陪花笑句引幽香入
酒尊

蟠松

雲巖寺草堂之前舊有蟠松尤古

一畝清陰覆客衣相逢疑是草堂時隱然錯節
盤根勢欠者昂霄聳壑姿天遣螭龍憑石窟人
攀巢鶻俯霜枝百年培植今誰屬何待歲寒然
後知

松本潘氏之物今歸于鄒

寄所思

浙浙竹下風活活橋畔水蕭蕭掩柴荆去去隱
君子夙夜勞我思之德洵且美瞻彼南山阿有
桂發叢藥奮手折其榮懷袖香盈只願爲靈鵲
飛遞聲入君耳

春去

幾陣紅侵野草一團綠染庭槐夢裏未知春去
翩翩胡蝶飛來

歸途

春來天氣半陰晴那更奔馳一月程又恐花時

順適堂甲

六讀畫齋正本

成草草還家插柳佐清明

山行

青山不識我姓字我亦不識青山名飛來白鳥
似相識對我對山三兩聲

次出郊韻

支藤乘輿入春郊梅壓踈籬亞竹梢剩喜此行
詩有料吟來渾不費推敲

生日口占

舉室相先起五更爲翁誕日壽金觥癡兒未識

翁年甲五十年前今夜生

時五十一

酒邊次趙東閣韻

竹褪粉痕新銷磨九十春中年真率性上古太平人有夢詩將聖無愁酒不神靜看紅紫路翻覆幾回塵

友人自淮至

別子若爲久於心終不忘一杯評舊雨兩鬢對新霜客裏春行早愁邊夜坐長明時成擯弃無語及淮鄉

順道憂句

七讀畫齋正本

雪城

愛向其中艤短篷眼前景物總玲瓏神僊窟宅垂楊裏圖畫溪山落照中甚是繁華輸俠少也須幽勝屬衰翁世閒風月無如此賣鶴來謀地一弓

次中秋不見月韻

五分秋色到銀河應是蟾蜍浴細波握手相期千里共舉頭無奈片雲何愁邊幸自逢歡伯清處何須著豔娥未可來宵倦游賞光輝依舊向

人多

雨中梅

冷嶼竹外枝啼妝凌曉霰東君不主盟對人作
此面

卽事

竹暗筍無數江晴水有痕田蛙喧麥隴野犬卧
柴門

過溪

筍輿軋軋亂山中籬落桃花潑眼紅小駐渡頭

順適彙田

八讀畫齋正本

呼艇子一溪淺綠漾晴風

白髮

半世持竿笠澤濱鬢邊畱得幾莖春近來白髮
無公道暗把黑頭饒貴人

泊舟溪口

萬柳陰中繫客船桑條如竹葉如錢大姑小婦
批甘薺搖手烏兒正二眠

賦順適堂

取少陵洗然順所適之句

暗觸少陵機茅居峙竹扉安時貧亦樂聞道詠

而歸鳧鶴從長短鳶魚自躍飛吾猶臧穀耳夷
跡是耶非

除夜立春

別歲傳佳話論文憶舊盟黃柑凝臘釀爆竹帶
春聲節序有終始兒童爭送迎此身強健在列
炬到天明

梅

疎影幾黃昏明明野水濱未風先信息無雪更
精神一白見眞色萬紅隨後塵自來花下飲肺

順適臺甲

九讀畫齋正本

腑盡生春

晉子生日

今朝阿晉紀桑弧郎罷持杯勉讀書斷莫繞家
覓梨栗更須爲國習耘鋤義方授汝心還愧陰
德於子計有疎學取老萊如許壽年年綵袖拜
庭除

自和

壯士須張燕角弧男兒須誦聖人書譬如田叟
祈多稼未有春時不荷鋤分內功名從早晚腹

中學問怕空踈老夫猶記昌黎語潢潦朝盈夕
已除

又 有感

一鴈雲閒落勁弧經秋不見寄來書人情自昔
如翻紙世道從今甚借鉏鹿夢墮中知得喪爵
羅門外看親踈歲寒獨有梅花月香影年年到
戶除

別可山

松江之左可漁可農古樹陰陰碧波溶溶子契

順適彙甲

十讀畫齋正木

子好攜家而從載笑載語乃棹輕篷冥訪前脩
天隨室邇中心孔嘉爰居爰止有薰自南景物
清美槐柳于前煩歎潛弭我有旨酒與子酌之
旣醉且舞且歌而詩然陶樂只厥情怡怡一日
舍去豈不念茲客懷先秋興言欲別屢止屢辭
行計已決送子于舟期我乎雪敬哉前邁于時
炎熱惆悵若失延佇長津復面猶賒奈何夕晨
豈無他友白首如新念于實繁融融天真北山
有梅南山有雲下有猿鶴中有隱君千里命駕

子敢不厘乃志必獲載歌斯文

止菴

驛路施茶

時事艱難路險巖得來名利亦何爲趙州茶罷
速歸去莫待鐘鳴漏盡時

讀釣臺集

萬仞山頭放一絲爭吟好句記當時能詩若不
能垂釣祇恐先生不受詩

遊西洞庭山

漫遊三十載屐齒暈蒼苔兩地無多里一生能
順適膏

十一讀書齋正本

幾回洞深龍未蟄丹熟竈無灰已覺忘身世松
梢有鶴來

山行

未了行春債因哦遣興詩寒多啼鳥噤路滑蹇
驢遲久雨紅辭樹深林綠授枝驚心衰朽日容
易過花時

入山

到來非俗境一片隱心生曉霧沈山色春禽和
水聲逢人多古貌對語率真情同在無懷世爐

熏蒼聖明

蟬

柳外聲殘日未殘
棲身未穩擇枝安
不須過有螳螂慮
黃雀從傍冷眼看

螢

自明自滅度方池
熠熠飛來去覺遲
入坐點衣情分熟
納交元在讀書時

蝥

壁閒吟不待秋時吟
苦中宵動客悲勸汝不須

順適藁甲

十二讀書齋正本

催婦織家家五月賣新絲

酷暑

動息汗流珠無風可滌除
炎威獄下吏生意鼎
中魚席地杯冰水局門謝
客車因思游宦者曾未憶
家居

秋至

節序暗推移清商漸戒期
旅懷蝥早計涼信柳先知
萬事到雙鬢餘生消幾詩
最憐梁上燕巢穩又歸時

苦雨

農事正紛紛天時異所聞舉頭方見日翻手又
爲雲茅舍蛙分部槐庭蟻失羣裁成憂國疏齋
沐告吾君

出郊

多謝天公佐好晴只今載酒作郊行飛花戀客
閒中意遠笛吟春景外聲已把物情歸幻相且
將足力趁浮生南堂辦得休休計燕雀充庭亦
賀成

順適彙甲

謝朱宣中隸字

隸法如公有典刑拙中藏巧混天成因觀體製
超前輩旋闢軒窗乞扁名氣象晉人適且勁源
流漢刻古而清得來喜對兒曹語一字千金勝
滿籛

鱸膾

圍圍洞庭陰西風苦不情墮簷雲葉亂落刃雪
花明列俎移桃菊香壘搗桂橙四腮傳雅詠巨
口竊嘉名誤上僊翁釣羞陪虜使觥甘腴殊机

肉鮮脆厭俟鯖銀鯽將同調絲蓴久共盟祇緣
鄉味重自覺宦情輕風度偏宜酒頭顛尚可羹
謫僊空汗漫何處膾長鯨

竹夫人

風神林下秀寵數夢中新假使不如肉爭知見
似人茗奴甘謝事黃奴喜論親凜凜百年操從
教進退頻

王夫人神情散朗有林下風氣 晉傳

城下小菴

水綠城詰曲水際暗桑麻籬落深村路閭閻處

順適彙中

十四讀畫齋正本

士家煙篁黏半籜風柳颺輕花隨喜跣趺坐香
寒月影斜

棹雪

舟名

放船中流天模糊浙浙霎霎鳴菱蘆萬頃剌那
成玉壺柔艣蕩漾歌吳歛老漁直前相招呼骨
相子猷洵且都其人豈是斯人徒相顧而笑掀
虬鬚汝爲汝兮吾非吾剡溪風景今何如誰能
爲人作畫圖子方奮臂持竿獨釣于江湖

壽藏十韻

門限何須鐵因爲淺近謀假令長富貴消得幾
春秋壽固緣心地人誰免首丘子能忘後慮是
亦慕前脩蘭室名猶在魚山志可求迴岡許埋
骨吉兆協眠牛懶作化臺號何妨引客遊不愁
飽螻蟻最喜近松楸物變終於盡吾生行且休
年年春色裏洗勺聽溪流

澗水燕談王樵自號贅世翁預卜爲第名蘭室

曹植爲窟岩終焉之歎遂營爲墓

唐史姚瑩孫勗自

爲壽藏於萬安山刻去爲臺曰化臺

唐宮圖豫爲家

順道臺曰

王讀書齋正本

棺引客遊墳中賦詩酌酒

莊子曰在上爲鳥爲食在下爲

螻蟻食

田父吟

去年積潦苦無收今歲逢人說有秋未擬香秔
供一飽穆穆新藁蓋簷頭

又

夜登車桁晝耘秧怕說風傷與水傷歷盡艱辛
雙鬢白今秋方覺稻花香

又

老天應是念農夫萬頃黃雲著地鋪有穀未爲
兒女計半償私債半官租

又

記得年時竈不煙土倉今番遶門邊已占此後
無憂色綠遍村前菜麥田

又

逢逢社鼓佐豐年酒熟那逢釀雪天擘橘煮雞
償一醉布衾烘暖抱孫眠

林可山至

順適稟印

十六讀書齋正本

梅花山底伴雲閒謾逐閒雲出故山君慰我思
君莫去一詩先遣白雲還

雜興

兀兀北牕下嘈嘈林閒鳴聲各奏小大諒亦隨
其形倏然氣肅冽一夕俱沈冥試語塵中士細
聽秋蟲聲

又

七十云古希予年三之二來景殊無多那復就
枯瘁窘步驚畏途撫心慨時事何以怡餘生一

日委一醉

順適橐甲

順適橐甲

十七讀畫齋正本

順適堂吟藁乙集

笠 澤 葉 茵 景文

垂虹亭

東西耕釣窟左右利名津倚遍闌干曲知幾有
幾人

鱸鄉道院

田可耕兮圃可蔬幾年夢不到亨衢山林受用
琴書鶴天地交遊風月吾事變無涯人老矣死
生有命汝知乎客來時復一杯酒畫作鱸鄉醉

順適藁乙

一 讀書齋正本

隱圖

送徐兄訪陳宰

投老持竿柳外村尺書久不抵脩門料應下榻
從容日自說通家好子孫

山行

舍棹入山村山深樹自繁短歌田舍樂長揖野
人尊苔老雲生石松高月闌門不聞名利語太
古一乾坤

瀟湘八景圖

平沙鴈落

江風飄塵白如練，征翰遠赴蘆花岸。寒霧昏昏
漁火明欲飛，不飛行陣亂。相從萬里多崎嶇，呼
鳴警察夜有奴。衡陽路杳速歸去，未可容易來
江湖。

遠浦帆歸

水天冥冥日催暮，輕蒲飽風疾飛羽。回頭遙指
舟前灣，浪急篷欹下。柔艣稠楊枯，桑深處村老。
妻挾兒環在門，尊羹香滑茅柴熟。對語別時應

順道彙乙

二
讀畫齋正本

斷魂

山市晴嵐

崑麓新霽浮紫烟，幾家雞犬喧一壠。憧憧人得
蠅頭利，不了青帘酤酒錢。松陰散亂日易暝，風
光漸入牛羊徑。頰肩赤腳分途歸，野唱樵歌動
幽聽。

江天暮雪

凝雲貼水天四垂，寒鴉凍雀無樹棲。紛紛萬頃
水花亂，光眩銀海迷。東西中有輕舸移，斷浦玉

笠瓊蓑一漁父鼓枻而歌歌豐年田家有麥無
愁苦

洞庭秋月

長波淼淼七百里葭蕪颯颯西風起玉輪輾出
琉璃宮碧落空明無表裏幾峯森列青崔嵬不
知人世皆塵埃夜深絲竹遞清響疑是楚王曾
歸來

瀟湘夜雨

雲氣浮江天已夕江樹號風飛雨迫淒涼正則

順適彙乙

三讀畫齋正本

賦懷沙疑與漁翁分半席一聲暖迺隔中流打
篷浙雲添旅愁土膏動脈曉色媚農將有事于
西疇

劉言史瀟湘詩聞歌暖迺深峽裏

烟寺晚鐘

冥濛一抹籠崢嶸崢嶸深處傳疎聲溪橫古槎
低欲折隱約前村通去程萬里征夫不知宿數
盡飛鴉栖古木輪與中邊三四僧枯藤挑雲歸
佛屋

漁村夕照

家家傍水開柴扉綠楊影裏沈斜暉妻炊黃粱
子挂網獨枕莓苔眠釣磯得魚博錢平生志世
閒寵辱不能累路近桃源多裔孫定知秦晉興
亡事

古意

逝波不可迴白鳥不可馴古人成感慨今人猶
古人

又

境空納風月心遠辭埃塵終日窮目力得景亡

順道彙乙

四讀書齋正本

天真

次韻

生涯老布衾清處更清吟舊事卽新夢今人非
古心意行雙謝屐道在一陶琴誰解無名利其
中有淺深

次池亭韻

憑虛結草亭占得古來清睡債茶驅遣詩情酒
發明梅撐拳石瘦蘆障一闌平未盡逍遙意重
尋枕簟盟

秀實長子玉麟葦晬

門左蓬弧喜事新
四朝先佛慶生辰
曉曉已露峙頭玉
表表因名繫角麟
鼻祖同庚光後葉
卯君著瑞定前身
我來摩頂爲兒壽
一歲從今百歲春

琉璃砲燈

有魚

體製先天太極圖
燈籠眞是水晶無
遠看玉兔光中魄
近得驪龍領下珠
一焰空明疑火燧
寸波靜定卽冰壺
游魚且作沈潛計
鱗甲成時入

順適堂乙

五讀畫齋正本

五湖

張中廉知洋州人號水晶燈籠

幼弟墓下

菴扁看雲用少陵句

春到棣無色
風來松亦悲
細看雲起處
不復鴈歸時
憶汝九京隔
嗟予兩鬢衰
寥寥今古意
獨許杜陵知

室人墓下

楚愴埋香地
卿須念藁砧
齊眉中道訣
同穴百年心
刀尺凝餘澤
松梧帶老陰
可能如鮐婦
相對白頭吟

次孫花翁韻

湖海幾經年論交豈偶然坐閒尊島佛客裏識
坡仙解使狂心服還羞懶腹便拈來唐句法玄
入小乘禪

范蠡

吳江三高祠

越敢吞吳皆范子後來廟食太湖濱邦人豈是
忘仇怨要勉吳臣似越臣

張翰

膾鱸元不動鄉思拂袖西風已見幾江上如今

順適臺乙

六讀書齋正本

來往客但言鱸膾不言歸

陸龜蒙

江湖蕭散樂平生夜課圖書日課耕一段高風
猶凜凜逢人肯說鴨呼名

文公談苑謂相傳陸龜蒙多智數狡獪有內養自長安使杭

州舟出舍下童奴驅羣鴨出內養彈其一折頸龜蒙遽從舍

出大呼云此綠頭鴨有異名善人言適將獻狀本州貢天子今持

此死鴨以詣官內養少長宮禁不知外事甚驚駭厚以金帛遣

之龜蒙乃止因徐問龜蒙曰此鴨何言龜蒙曰自呼其名巧捷多

類此予嘗觀其傳誦其文矣龜蒙字魯望居甫里著吳興實錄四十卷松陵集十卷笠澤叢書四集以高士召不至躬自舂鍤品茶評水不與流俗交升舟則蓬席束書筆牀釣具往來江湖間謂江湖散人或號天隨子甫里先生自比涪翁漁父江上丈人清風素節稟稟千古因疑談苑所傳之過況予所居視甫里無一舍遠其地荒僻眇在松江之東去驛程猶有數十里使者無由過之自武宗暨昭宗凡六十三載未嘗遣內養使杭州揆之地理考之唐紀信其爲謬豈談苑別有所據云

欲別

順適臺乙

七讀畫齋正木

欲別哽無語蘸酒評歸期潮汐有朝暮郎心無轉移

次韻

懶作千年調偷閒得幾回吟壇元不峻俗駕可曾來薛碧牆陰合榴紅屋角開枕肱真樂在飲水當傳杯

夜坐偶成

蓴鱸江上鄉穩處著虛堂卻掃百念息貪吟萬景忙螢流風戶牖蛙鬧雨池塘夢熟田家事牛

衣趁蒔秧

次月蝕韻

起來搔首夜如何
瞥見蝦蟆影裏過
幸自十分懸素魄
豈應一息駐妖魔
光清於水塵難滓
色白如圭玷可磨
休誦玉川艱險句
終篇比興爲元和

次弔原韻

爲憐舉世不曾醒
放浪形骸澤畔行
會得危言危行意
佐成濯足濯纓名
義無可去緣同姓
心亦何求要獨清
今日龍舟雖古意
吳人未必楚人情

順適裏乙

八韻畫齋正本

笑靨花

簇簇瓊瑤屑
花神點綴工
似知吟興動
滿面是春風

涵空閣

靈巖寺

浪說涵空未是空
一闌羅列幾龍從
世人若問空中景
此景從來是夢中

草堂

幾年蝸蚓占山扉
與轉風光似舊時
從此禪門多事在
篆香重課少陵詩

琴堂

片石鄰空掌樣平
吳兒曾此御瑤琴
中腔調誰人識
獨有輦妃是賞音

洗妝池

離宮脂粉尚淳香
人去僧來歲月長
鐘磬咒成功德水
根塵洗盡水清涼

卓筆峯

太平寺

順適彙乙

九讀書齋正本

疑是飛來天柱峯
一尖秀出白雲中
料應宰相書成後
畱得殘毫倚半空

一片峯

十丈蒼圭似削齊
摩抄信是古來碑
不刊二范忠勞績
合寫諸賢唱詠詩

頭陀巖

舊說頭陀坐石巔
披肩壞衲不知年
空巖聖得頭陀號
啼鳥枯松也解禪

一線泉

銀潢萬丈下嵯峨想是天孫挂玉梭休道此泉
絲樣小涓涓將見作江河

次韻

時清歎陸沈楚澤伴漁吟探索聖賢語發明天
地心無機棊少著有趣樹多陰坐上皆知己賡
酬夜向深

春晚

紅紫雨離披風光別壯時世情楊絮覺心事杜
鵑知屋角溪連井林梢菊障籬幸無塵役役倚

順適堂乙

十讀書齋正本

檻數晴絲

又

春色漸昏昏那逢日帶曛落花紅一尺新筍綠
三分憶友盟畱石尋詩思入雲風光到田舍瘦
策看耕耘

自遣

偶對格

蟻夢功名覺卽休駒陰歲月去難畱傷今不復
并三樂擬古猶堪續四愁松下抱琴塵外境雨
餘蒔藥柳邊洲老來莫問浮生事醉後同爲造

物游

題順適堂

甫里相望江盡頭得鄰而隱了浮休落花流水
元無礙野鶴孤雲儘自由順裏委心彭澤賦適
時乘興剡溪舟區區世上分蠻觸對客忘言茗
一甌

曹娥廟

孝本當爲事時人或不然娥兮知此理命也委
之天五日抱屍出千年作史傳英靈猶耿耿有

順適堂乙

十二讀畫齋正本

慊莫登船

憶弟

支藤來海嶠骨肉海西邊對月成千里舉頭同
一天更沈寒戍角歌急晚潮船孤鴈商子意聲
聲落枕前

相逢

相逢疑舊識敲火自煎茶盛欲爲畱計其如未
是家東西分地脈南北兩天涯別後思君處空
齋識燭花

自感

未險先藜杖逢亭便小畱今番已非昔後去可
能遊

又

倦聽花卿曲狂歌俠士行年華與心事醉裏目
分明

山居

古木環池竹數竿疎籬補菊屋三閒白雲不放
紅塵入無怪山人懶出山

順適堂乙

十二讀書齋正本

元夕

一簇蓮燈亦可觀隔牆簫鼓二更殘平生未識
繁華事旋借宣和國史看

省墓

隴上松杉手自移至今苔蘚半寒枝夢中不記
重泉隔猶學兒童戲綵時

梅

霜月相摩漏二更書窗伴我一枝橫自矜前輩
持清白妬紫妖紅總後生

虎柙

生長古林三擒來鐵繫囚休憐文變豹尚覺氣
吞牛檻寘終難脫咆哮亦可休山中藜藿少君
合早爲謀

崇道叔慶七十

寄意南豐一瓣香願公耆艾熾而昌歷經七甲
鬢浮綠帶錫萬釘睂映黃疑是函關逢老子巋
然魯國有靈光陰功更說燕山桂畱與時人作
義方

順道裏乙

十三讀書齋正本

柳

禁煙霧風月翠綠睂舞八字

態度脂韋不自持對人無奈小腰肢好於彭澤
歸來日瘦似章臺別去時隱隱輪蹄端不惡深
深亭榭最相宜流鶯百轉春光老擬折柔條寄
所思

可山寫梅

放出東風手段寫成江路枝梢君復無聲句法
要與廣平解嘲

信步

九十日春未老兩三番醉如泥行遍菜畦麥隴
未饒十里蘇堤

巖子陵祠

橫足齟齬夢御牀祇將故舊視君王意嫌漢室
乾坤小歸占巖江日月長獨繭絲頭忘寵辱生
芻庭上閱興亡畱題多是功名士也爲畱題姓
字香

獨繭絲出列子

參選有感

元是江湖蕭散客誰將幽夢落南柯十年不調

順適彙乙

十四讀畫齋正本

幸然好一著纔差悟處多官使北山馳鶴信且
隨西舍唱漁歌野人自喜無彈繳卻恐金章羨
綠囊

春晚

閉戶蠶新浴開簾燕早歸何曾春欲去自是物
華非

又

汀洲
胡蝶夢中意杜鵑聲外愁問春春不語柳絮暗

詩僧

同住西州一水濱
東州勝處始逢君
詩成又逐行雲去
後日相思祇看雲

偶成

畱得春風趁馬蹄
日長無事綠楊隄
菜花籬落誰家酒
緩轡長歌過小溪

西湖

湘桃深處五陵家
隄柳陰中百寶車
多是問桃尋柳去
近來山下少梅花

順適堂乙

五讀畫齋正本

憶友

蕭蕭簷角雨
冉冉雨中舟
年老難於別
春寒重卻愁
風牕亂書葉
塵壁暗燈篝
夜半無來鴈
披衣對小樓

次韻

疎窻小博山
窻外鳥關關
占得江湖隱
佐成天地間
簷牙叢篠碧
牆隙兩鳩斑
癡坐不知晚
漁篷捲釣還

次賦順適堂韻

萬卷藏書抵萬金
翛然軒宇絕塵侵
順時不作榮枯想
適意元無勝負心
蒲石竦簾眞道院
柏香淨几小叢林
四時剩有閒風月
醒裏尋題醉裏吟

有所思

仰天有所思
心遠目苦短
西風驅殘雲
千里月華滿

阿育王寺舍利塔

粒粟懸懸左角鐘
幾年鎮壓梵王宮
要知八萬

順適彙乙

十六讀書齋正本

四千所元在尋常
一念中佛現紫金
歸勝地僧誇烏石
墜虛空毫光起處
無人見明月堂前
玉几東

舍利八萬四千所

舍利在塔左角金鐘內

有八殊利勝地

佛紫金身

育王擎塔行虛空
有弟子墜地變爲
烏石今猶

人形

明月堂在塔之後

玉几山在塔之東

山居

朝踏山根雲暮歸
雲中扉野鳥始驚
避今焉情依依異
哉海上鷗猜疑未
忘機

順適堂吟藁乙集

順適堂乙

七讀畫齋正本

12228

